

永寧縣志卷之一

土地部

疆域志

城池附

成王命畢公尹東都日中畫郊圻慎固封守疆域廣輪既正然後高城深池以臨之居中馭外基布星羅咸準視焉拓拔之季或屬熊或屬號或屬宏農或屬宜陽畝畷莫定所建之城壁壘防戍焉爾隋唐以來邑治地域釐然城始有定雖彈丸小邑無百雉之雄而近跨三峭遠睽二號固洛郡藩屏矣載倉鍾而補葺之非固吾圉者所當有事歟

永寧縣在河南府城西一百八十里

東至岷山村宜陽縣界二十里至宜陽縣城一百二十里

西至十八盤坡盧氏縣界一百二十里至盧氏縣城一百六十里

洛寧縣志

卷一

疆域志

一

朔中石印館印

南至界嶺嵩縣界八十里至嵩縣城一百四十里

北至頭峪陝州界六十里至陝州城一百六十里

東南至黃家窪宜陽縣界三十里至宜陽城一百一十里

西南至九里溝口 關帝廟嵩縣盧氏界二百里至盧氏城一百二十里

東北至杜氏村澠池縣界八十里至澠池縣城一百四十里

西北至鞞子頭村陝州靈寶盧氏界一百五十里至陝州城一百五十里靈

寶城一百五十里盧氏城一百二十里

東至省城開封府六百東北達

京師一千九百八十里東西廣一百四十里南北袤一百三十里

按舊志永寧層巒疊嶂彌望無際洛水貫注於中北有九轉之阻東北有河底之隘西有十八盤坡之險南有金門界嶺白馬神頂女几之雄東界三箱刀屨與韓城俱稱險要舊為北宜陽地秦晉之門戶也

城池

永甯舊土城未詳創始何代周圍四里一百七十步高二丈五尺女牆七尺廣一丈濠深一丈廣三丈門三東曰迎恩南曰中和西曰普安明洪武二十年重建置百戶所守之正統十年縣丞于淵嘉靖三十二年知縣張守愚相繼修隆慶五年知縣高一登重修雉堞甃以甃崇正十三年流寇攻陷城毀國朝順治九年知縣程萬善重修康熙二十五年知縣佟賦偉重修雍正七年知縣郭潔修葺乾隆十年知縣單履咸重修二十七年知縣金兆琦修

永寧縣志卷之一

土地部

建置志

畫地分野以後郡縣之設始於秦時歷代兵戈倏復分合屢更稱名迭變永寧自魏置靖後百餘里置縣者六置郡者二置州者一屬郡者六官職靖雜民鮮安居莫此為甚於以見

太平之世疆界永定土食舊德農服先疇政之善抑生民之幸也既倣續通志沿革表以補舊志之缺迺問復援據史書論正其下循序而稽可為考鏡得失之林矣

永寧縣

春秋時為韓地

秦屬宜陽西境界

洛寧縣志

卷一 建置志

一

朔中石印館印

後屬澠池之西南境宜陽之西境

後漢魏晉並同俱見通志

後魏太和十一年置靖縣屬宏農郡見魏書地志

西魏置北宜陽縣仍屬宏農郡見魏書地志

東魏興和中置金門郡領北陸一縣置金門縣屬宜陽郡魏書地志

後周改北宜陽縣置熊耳縣又置同軌郡以熊耳屬焉廢金門郡見杜氏通典及隋書地理志

志

隋開皇初廢同軌郡徙熊耳縣治於同軌城大業初廢靖縣並入熊耳義寧年間移熊耳縣於永固城因符堅舊城更名曰永寧隸入宜陽郡見唐書地理志及方輿紀要

按後魏太武神麴年間已奄有中原之半而未立郡縣考文帝太和十年謀自平城遷都洛陽九年始立州郡置三長定戶籍十一年遷置靖縣是時曹公靖灑北道雖久開而靖尤為隘張是連提之敗置重兵扼焉遷洛後朝野又安者四十餘年邑名未改正光失馭奸雄得起魏分東西

兵戈相尋復開南道出入東魏畏逼遷鄴高歡宇文泰爭戰地專在宜陽  
宏農間於是東魏有金門北陸之置西魏有北宜陽之置齊周繼纂所爭  
洛陽宜陽旋得旋失又增置防戎與河東玉壁並重見諸史與馬氏通考  
者齊以伊闕孔城防洛陽北荆門防備周周立陝熊等州十六軍防有黃  
檀三城峭東五義及宜陽陝州土刻備齊設城主防至長史或正或副等  
官高氏稍衰周得宜陽廢金門郡置金門戍竊意兩國置縣非以治民不  
過役粟出車唱民力以堅壁回壘而已隋混一土宇改縣曰永寧示罷兵  
華安井里之意後遂沿之續通志沿革表於置峭及雜置郡縣之由未暇  
發明故投拾各史詳論之於後  
見讀書考史當求其貫弗也  
又按周書鄭季穆傳從魏孝武西入關賜爵永寧縣侯西魏當時幅員上  
河東關隴其故珍以平陽太守領永寧防當是今山西永寧州後周所稱  
石州者非永寧縣也其地省永寧州縣皆置自宋以後又非西北地豈永  
寧之名西魏已設而隋廢熊耳縣遂用此名耶北史既非完文前人俱未  
考及余嘗擬之附載於  
後俟媿雅者核正焉

唐武德元年復析置峭縣武德三年以永寧峭置函州八年州廢以永寧隸熊  
州峭隸陝州貞觀元年熊州廢以永寧改屬穀州移治莎柵又移治鹿橋驛  
顯慶初改屬洛州見唐書地理志  
永寧畿縣見唐書地理志注

洛寧縣志 卷一 建置志 二 朔中石印碑印

按方輿紀要峭縣武德三年屬函州自硤石塢移置鴨橋八年改屬陝州  
開元十四年改曰硤石縣當未分時永寧實兼有三峭半收陝灑之地自  
分屬後乃獨  
治東峭耳

宋屬京西北路河南府見宋史

金屬蒿州見方輿紀要  
按舊志云金史正隆六年縣寄治河南府後即府店鎮為縣未知府店鎮  
在何所考金史本紀正隆六年廢帝亮自中都至河南府幸汝州温湯詔一里五十里  
獵騎士二千隨路所至種麥皆空由河南府幸汝州温湯詔一里五十里  
內州縣移商賈置市今河南府南七十里有南府店鎮通汝州東西大道  
豈當日將永寧縣官師寄於此以供億行在耶金  
史無明文通志府志沿革表俱不載姑附記於此

元屬河南路見元史  
按方輿紀要後魏設長淵縣唐避高祖諱改為長水宋永寧長水并隸河  
南府金仍稱長淵縣觀紫蓋寺金大定二年碑可知至元時無長水之名  
則長水廢入永寧在元時無疑

洛寧縣志卷之一

土地部

風俗志

時序附

記日修其教不易其俗齊其政不易其宜又曰禮從宜使從俗蓋五方風氣不齊而治之者亦異觀時察勢以得其變治事臨務以識其性準今酌古以要其歸禮以節之樂以和之誠以格之嚴以訓之無改絃更張無膠柱鼓瑟則民樂從而化昔召伯聽訟甘棠之下而民大悅釋綬者云行露之貞女見訟而致於獄蓋被文王之化淺而未純必如太陽之照幽崖焉而後可然則教化所關豈不重哉

漢書地理志韓地士有申子韓非餘烈高士宦好文法民日貪適生分為失魏書崔寬傳嶺地險多豪右宏農出漆蠟竹木之饒路與南通販買來往家產

洛寧縣志

卷之一 風俗志

一

洞中石印館印

豐富

紀事本末東都西南接鄧虢皆高山深林民不耕種以謝獵為生人皆趨勇

按洛寧戰國為韓地漢魏屬宏農宏農古虢也故以舊風俗冠首

通志洛寧在豫士稟天地中和氣又為召南首邑綽有古風

張論風俗利弊論永之為邑縣才百里而山據其什之七其車可方軌馬可馳驟者不踰四十里橫計之僅五里許河身遠徙又蕩其半餘不加三里竹木桑麻於是焉在丁男財賦於是焉出其民被召南之舊質而俚愿而不華服食粗淡器具牢樸無佻巧自黠者利一有長吏登高招之順風呼之彬彬雅化老死不識官羅無健訟掣上肘者利二僻在山陬礦稅新罷非有置郵繫縣迎送絡繹之費也利三然而均文貽蠹所在益賦荒蕪幾偏境內民流移救死禮義不姻有數十里無絃誦聲者其弊也陋婿家罄產喪葬事佛無賴市魁以為溪壑強藩隣貴以為窟宅其弊也愚深山大姓武斷鄉村殺人擄婦恬不畏民有貧

不能訴之官弱不敢怒諸邑者其弊也獷悍而黠狡且其大利大害甚有隣封所未見而有目可共睹者三曰竹曰河曰礦竹賦視他類不啻倍矣然富者竭別產所入培養數十年勿剪勿伐始有大如杞者貧者旦旦伐之濯濯立見賠糧蠶產無可售者一折而盡入隣貴所謂有利名無利實者竹是也河與縣為枕籍者也所謂鑿井引灌者什不得一秋水泛溢兩岸崩圯廬舍田井一望蕭然自清丈以來可三十餘畝諸處山澗亦畧稱是所謂利一而害十者雜水是也礦之不產砂礫矣蚩蚩無知一迫荒災嘯聚山谷藉名竊礦自相屠戮官捕之急則飛崖填壑可謂痛冤所謂利未得而害先及者礦是也大抵為永計者壘間曠延黨塾疏渠培竹禁奸戢暴謂民生三五之地而不復見三五之化者非其情也一切調停拯救釐正敦篤以稱秉憲至意惟長茲土者留念焉  
舊府志絃歌之聲交乎州里孝友之行遍于畝牧素所導有也然民性勇敢好勝多訟近者振以作人雅化雷冲霓舍生殉國劉芳投水救父皆矯然有忠孝

洛寧縣志

卷一 風俗志

二

關中石印館印

大節

洛寧地形圖說邑民風土俗尚屬淳良儉樸第偏陬僻壤物產稀疎除服稼穡蓄竹木砍伐販賣或造器具外貿營生安分守己無怠無荒而學未專殊少佳士惟有時加訓勉以期爭相濯磨各自振拔而已矣

佟蘆志邑人張鼎廷言爾時習俗之弊蓋凌桃達廉耻道畏江河日下勢重難返然未可概論一邑如修文廟遠近響應雷冲霓劉芳之風聞者感慕興起以見永俗之厚

按風俗與世移易召南之化尚矣二嶠秦頭魏尾山峻而險水旱而駛木  
修骨石擊確舊爭踞所故民尚勇力然觀後周書靖東立義諸城防則俗  
之好義自昔已然官師既定榮驚漸平薛氏父子以道學著蔡子英趙建  
極以忠節著宋禮以功業著人能以禮讓教其鄉以家塾訓其秀而倫寘  
者亦樂而不去矣勝國中葉稅使礦使之害徧天下洛寧彈丸邑竹深升  
治民膏盡剝山脈夷傷於是貧富相耀強弱相凌之風起焉宜張中丞論  
中痛心疾首  
而言之也哉

列聖朝相承深仁厚澤沐養生息百餘年為民間衣食之源而不爭其利使得以

地之出廬之八節愛養仰事俯育睦姻任卹且山之嶺者秀水之流者

講

聖俞十六條咸曉大義尊上敬長輸將悲後使無通賦獄訟稀少投館無聞

有詩張示以法旋亦敏戰孝義節烈閭史所書恒可采有事召集雲趨

邑義地亦禁樵採踐踏士兼耕讀守外碑雖限方隅之見汲古澆文少根

概然母浮夸奔競歸者健戶教子孫是跡毋入公門農終歲勤勸母皆

窳媿生以產竹故家織器具賈販給足俗有不銷黃金權之語王范諸集

通商者止牲畜布帛菽粟織皮漆蠟藥餌農器而已母全玉錦繡工製物

高堅樸母雕文刻鏤婦女輕車機杼聲相聞亦能織工緻竹器佐其夫母

治粧艷服嬉遊於道在洛州頗淳而易治故引史傳

聖人之世沐之誠所以涵濡薰陶之者何其厚也至紛靡之習一人唱則百人和防微

杜漸是長忠信之長

時序

立春前一日縣迎春牛置衙前打春百姓買小春牛依官式五色裝或相獻遺

小兒剪線作春雞戴頭上

洛寧縣志

卷一

風俗志

元旦起早祀神家家爆竹不絕三鼓後直至天曉祀畢子弟拜家長又依次各

拜其長謂之拜年飲椒柏酒食肉水引扁食乃出門往來賀歲以木炭倚於

門傍曰攔門炭

元宵燈節俗用十四十五十六三日夜造燈山火樹或紗帳屏風畫神仙故事

歌樓鱗次絃管嘈雜燈下設雜劇百戲遊人填塞街衢首飾綵橋婦女行其

上並作八卦鞦韆車輪鞦韆

二月初一日祀太陽初二日祀龍神

寒食拜墓後或挈酒榼春盤出遊

清明祭掃先隴種柳花士庶出郭踏青女子為鞦韆戲

三月三日祀城隍神十八日上鳳翼山石神廟祈子

四月八日為浴佛日

五月端午俗以角黍相餉遺是日早起艾插門或結艾人以五色絲繫臂曰

長命縷飲雄黃酒辟惡毒小兒女佩雄黃囊結五彩繒花為之  
七月望日祭邑厲壇士庶家各祭其先謂之鬼節

中秋節菓店皆重新結絡陳月餅石榴梨栗棗柿諸菓品家家市酒登樓玩月  
宴啟通宵

重陽詣鳳翼山及延壽山登高飲酒賦詩

十月朔燒獻寒衣百姓夜昇城隍神儀仗赫奕闔城官師從之由西關出北厲  
壇入東關鼓樂喧闐燈火照衢名曰放鬼

初十日記牛王廟報農功之成

冬至祀先祖食饌饒

臘八日以棗栗柿雜米炊之曰佛粥或用牛羊豕肉細切作糜曰葷粥

臘月二十三日夜祭竈用飴糖

除夕早幼多稱觴為父兄壽謂之添年守歲

洛寧縣志 卷一 風俗志 四 朔中石印館印

洛寧竹枝詩十首

知縣單履咸

洛寧二月柳芽黃渠水新流灌麥塲西起龍頭過鳳翼平疇冊里菜花香  
紛紛鉦鼓鬧春風翠袖紅裳迅遠逢石佛寺中還願罷共隨社火檮閣也到城東  
焚修風俗近杭州老伴春來結隊遊朝罷華山嵩少去明年換次作香頭  
高山南峙北平原四月初旬筓籜繁千畝綠雲簪玳瑁家家活計仗斯園  
同心扇子出唐宮劈霧裁雲製作工舊事已更遺物在女兒攜得引清風  
香泉寺裡亂鳥啼王范街頭市早齊遊罷歸來斜日暮恰擔新水到城西  
秋空洛浦漾晴詩丈八魚叉夾岸持撒手應心真快事柳條穿得鯉鰻肥  
疎林到處添紅葉黃菊籬邊掛錦袍正是重陽好風景牛王洞裡去登高  
斤斧初冬競渡河陽虛材木最饒多編成筏子乘春水兩岸青山一霎過  
有禱何須問藥方神驅二豎出膏肓白羊赤鯉縱橫列擊斫敲鉦獻弋陽



洛寧縣志卷之一

土地部

公署志

周官鄭氏注百官所居曰府自漢以來曰署曰公廨廳政曰堂曰廳事燕居曰  
齋曰閣曰館多見諸唐宋人詩文中蓋出生堂皇則思何以布令退食委蛇則  
思何以補過時加補葺居高明清心志尊瞻視集賢校政之所不廢也洛邑之  
令有於署中引流鑿沼構軒讀書而敷政優優興利除弊稱賢宰焉後之官師  
縱不必窮彫鏤侈綿錦亦不當視若傳舍鞠為茂草庶可見明作有功之一端  
云爾

洛寧縣署在東西門通衢之中央未詳創始何代元至大四年達魯花赤白阿  
剌罕重修燬於兵明洪武元年知縣翟禮重建正統十年縣丞于淵重修宏  
治十六年知縣李景重修規制式廓於舊基中為忠愛堂左贊政廳右庫藏

洛寧縣志

卷一 公署志

一 朔中石印館印

前立戒石坊東西為六房前為儀門門外左為土地祠東為紫雲軒即迎賓  
館也萬歷中知縣楊淳創建右為獄前為譙樓亦淳所改建樓內左右為榜  
房左右為旌善申明亭忠愛堂後為慎思堂又後為知縣宅明末燬於流寇  
國朝康熙八年知縣李紳重修乾隆九年知縣單履咸重修又建譙樓及內  
宅房乾隆五十三年知縣張楷重修儀門大堂甬路六科房內宅堂室及羣  
房增建大門內瓦房六間蕭曹神祠

貳尹于候建修縣治記

河南洛寧為名邑山川勝槩甲中州而洛寧尤為之冠其縣廳制度國朝洪  
武二年知縣翟禮始建迄今九十餘載或有疎損亦隨時修葺正統十一年  
夏晉陽石州于候由太學員來丞茲縣候天資聰敏才智優餘剛健有為蒞  
事不闕月而積弊悉革民利俱興令行惠立政通人和綽然政聲播於遐邇  
觀其廳堂縣治卑益恒不愜意時謂僉友曰君子之居雖一日必葺矧茲縣

提封百里居民萬區而施政廳訟之所為衆人之所觀瞻國家錢穀之出入風雨不避卑隘如此可不亟為之憂乎或曰非不為也力不贍也候曰誠若是責在我矣迺設法捐俸市財陶甃傭冶及備酒穀教勸有力之家沿渠修園中有松栢榆槐青白楊大樹堪為棟梁標柱者仍賞以值人皆唯唯樂輸之務用松材選山里分火甲朔望聽點之人帶一根不逾時而完由是役在公聽使機兵祇禁里甲人等從而撤之辰地築基周圍比舊崇修廣各加三之二版建琴堂三間七楹六楹椽用松材修廣比舊加丈崇加八尺前起接簷龜背椽厦三間修典堂齊廣二丈崇減堂之五尺左右禮懸粉油小木板左書主敬行恕右書平易迺民以為歲後建退寢公明堂三楹五楹四椽用松料椽皆開窗窗後東西北築牆崇尋五尺上架木覆瓦粉壁彩畫為方書洛寧十景壁前為土池植以奇花異卉堂東西山各建耳房一間前東西各建庫房三間中門接琴堂起穿廊五間下壘壁上受窗南北兩頭各開東西

洛寧縣志

卷一 公署志

二

朔中石印館印

角門南牆廊外東西各蓋厦二間以安厨竈幕廳舊在縣廳之右撤而建於廳之左三間五楹四椽廳右建庫房三間戒石樓拆而重僦四面轉角儀門大三間撤而重換榆槐松楊木料東西南角門重修用石砌基甬路左右建書手房共十六間東西司房口口間添修俱用黑漆木欄以防壅弊東西司房北各建房三間以收藏徵租賦錢物廳臺崇比舊加二尺修廣比舊加一丈周圍黑漆木欄甬路北舊廣崇加二尺兩傍俱用匠作條石上加黑漆木欄至鼓樓門甍灰甃砌通街至宣化坊吏舍四十間重修版建幕宅客舍三間一口五彩致飾黝堊丹雘美完中度輝煥一新鐘鼓樓見別錄不備著莫不渠渠焉奕奕焉視前不啻倍屨矣自丁卯歲三月初旬庀工五月初旬畢役候之心猶慮其陋且粗畧而遺後之譏也落成之日縣尹孫候縣簿郭候縣幕吳候咸曰候之為此豈特為吾輩安居計哉蓋欲上以重其瞻下以悅民心近有以宜於今遠有以裕於後予等食公食治公職者莫不朝於斯夕於

斯以承流宣化於斯孰肯先之勞之以成其美哉今茲俾子等不勞心不費力而坐享其成候之功海濶天高安可泯也曠潔文之於石用垂不忘洪惟朝廷設官分職所以代天工而治天民也候以經濟之宏才非百里之可滯方今聖人在上宵旰求賢以隆至治藩憲重臣交相辟薦將見不日居廟堂而功被四海矣豈特為一邑之光哉區區匪才姑效春秋之直書此以為記候名淵字德深晉陽石州人世傳清白云明正統十二年歲次丁卯秋八月望日致仕教諭金峰劉道源撰

重修洛寧縣署記

官廨之敝也官斯士者曰吾於時旅旅也宜十不二三完也左氏傳叔孫穆子所館雖一日必厚葺其牆屋去之如始至况守土吏擁數千百里之地視民如子治官事如家事而出治之所退思之室乃至以傳舍視之不問而其官可知也昔召伯此行南國聽訟於甘棠之下後人思其人因愛其樹其矢

洛寧縣志

卷一 公署志

三

朔中石印館印

無剪無伐是非有棟宇垣墉也猶且如此洛寧固召南地自作邑以來循吏間出民有德之而新其廨舍者與或曰是所居不一人賢者以不賢病也孔子於旅三之象曰以旅於下其義喪也上以旅之道視其下下不以旅之道報與於下而旅之有不以旅自為者與甚矣其苟也永寧縣治創建時代無考其載於志乘者一修於元重建於明洪武三修於正統宏治萬歷至本朝康熙八年知縣李伸葺之乾隆九年單履咸復加整理然吏宇尚沿茅舍內外堂室日益傾頽將欲修之而公私費無所出通河南官廨皆然不獨寧也今方伯佛公敬爾有官維新庶政請於

朝出公項若干為修理各屬廨宇之資而以養廉分年扣抵予適蒞洛寧奉檄經理不三月而歲事撤而新之者十之六因而葺之者十之四視舊堅且壯焉廢白金六百一十八兩有奇而為文以記之因以自箴抑重有望於後之人也君子視民如子治官事如家事故坐堂望則用顧於民若高軒宜夏

煥室宜冬則念寒暑之愆洛婦子相依篋簟安寢則思綢繆東楚室家之未  
完賓朋讌會持柔齒肥則思土甕寒烟檢朴之景况吾不有旅其敢以旅民  
與民又其忍以旅我與君子是以知自寧其身心之足以寧人也且願吾民  
之寧永永無極其有以庇我也足為記乾隆三十二年丁亥歲仲春月魯成  
龍撰

共食園記

全軌

共食園者青士先生洛西官舍後之菜園也縱短橫長大可二十畝繚以周  
垣垣下植榆柳無數春夏時烟翠四合望之如張控鑿土城引鳳翼澗水以  
灌水有北垣入分為二支一支迤南而下灌西偏之垣一支循北垣而東達  
於三隅蚤韭晚菘連畦被隴凡四時之嘉蔬無不具也當水方循垣而東之  
南有亭曰菜根已易室遠以余為義山公所留屢括不獲至而思之也亭基  
高數尺不施四壁北修竹數百竿枝橫斜交於簷下南望女几金門山如對

洛寧縣志

卷一

公署志

四

翔中石印館印

畫圖風晨月夕寒氣侵人坐不能移時輒去亭之東七八十步鑿池如壁形  
水深四五尺芙蓉菱芡金鱗出沒架三折板橋以渡池中有臺上有亭八角  
而蓋茅承以四柱愧已之志未遠也願以小草臺頗潤西北隅池之大柳覆  
之下安石几列方石四面以坐傍池之西岸因鑿池之土為堤雜種桃李堤  
盡增築為小邱垂釣之所也池之東新柵竹繩別為小方院穿細路而往折  
而北而西草屋一間背枕池上者曰廬蓋有感於孟子失其本心之歎也  
後闢大圓牕得壁之半荷風柳日光動承塵水自柵流經前牕下瀲灩有聲  
西入於池案上置周易一卷退食則朗誦其中家人亦不得輒至遇春秋佳  
日名花茂樹紅綠滿園鳥語蛙鳴上下和答同志者或相過訪先生則沽酒  
治具對酌石几微醺之後分題聯句抗論今古已乃登西亭眺南山返乎已  
廬焚香煮茗燕坐而休焉一日喟然語其友人曰余羈栖於此十年矣所見  
人世之富貴聲名瞬息變滅消歸無有者何限而吾園林山水詩書朋友之

樂不求之外而自足身安心泰更歷久遠而獨泃然無感衰欣感之異余之得之是邑者多矣倘蘇子之所謂江風山月用之不盡而取之不竭者耶乃名其園曰共食之園而俾余書之室遠亭以示賓客先生尚志好古而篤於同聲之契遊於是園者并當世有名之士易初惕翁先生來未幾遂卒其後呂元素劉太乙王荆田相繼觴咏其中賦詩至數十篇而余與道遠而若先生之從母弟世臣惕翁先生之令子時占門人聖鐸來而去去而復來留輒至數月風床展卷析疑賞竒無日不與先生共而尤最久者余也今歲在戊寅季冬哉生明之日得先生超遷守衡陽之報俯仰今昔怱怱遂已十四年念先生行且去而余數人者亦各萍梗散矣感斯園之不再至而後或記憶之不詳也東齋無事漫記池臺遊處之纖悉乞時占書二通其一遺先生一余自藏之其茫茫天海時一把觀宛如聚首且使未至者見之知塵埃簿領中亦有淵雅道素如先生者也

洛寧縣志

卷一 公署志

五

翔中石印館印

儒學教諭宅舊志在明倫堂後明末流賊焚毀康熙三十四年教諭宋履創修明倫堂後三楹左為友仁堂右為敬一堂後為教諭宅乾隆二十年教諭任果重修二堂東書房乾隆五十三年教諭高特拔重修三堂東西廂房二堂及西書房川堂東西齋房

訓導宅在明倫堂東乾隆二十九年訓導張叶鼎重修大堂  
典史署在縣署東南乾隆四十八年典史邵宗源重修  
把總署在東門內雍正四年自嵩縣營移防於此新建

